

# Te Anoano no te Piri Mai ki Roto

## Te Putuputu'anga Basileia o te Au Arataki o te Iti Tangata Pasifika Pakipakitai

Talofa, Kia Orana, Malo e Ielei, Bula Vinaka, Taloha ni, Fakalofa lahi atu and Warm Pacific Greetings.

Te anoano nei matou e 12 aronga mei Akarana mai, mei Hamilton, Wellington e Christchurch, kia piri mai ki roto i Te Putuputu'anga Basileia o te Au Arataki o te Iti Tangata Pasifika Pakipakitai (National Pasifika Disability Leadership Group [Te Putuputu'anga]).

Ka rauka tetai au tuatau no te akapuapinga e te akamatutu i te au mema kia riro mai ratou ei aronga akamarama e te akakitekite ki te katoatoa i te turanga o te aronga pakipakitai o te iti tangata Pasifika, to ratou kopu tangata e to ratou aronga akono tiaki ia ratou.

### Akataka'anga o te Akakoro'anga

Kua akamanaia te putuputu'anga, te [Le Va](#), e te Kopapa Oronga Turuturu ki te Aronga Pakipakitai o Te Marae Ora (Ministry of Health Disability Support Services [DSS]) kia akamata ma te rave i te angaanga a te putuputu'anga ou koia oki, te Kopapa Basileia Angaanga Atuitui o te Aronga Pasifika Pakipakitai (Pasifika Disability National Coordination Service). Kua akatumu'ia teia angaanga ei tauturu i te putuputu'anga DSS i te ta'angaanga i te Parani Basileia 2009-2013 o te Aronga Pasifika Pakipakitai ([National Pasifika Disability Plan 2009-2013](#)).

Ka tauturu te Kopapa Basileia Angaanga Atuitui o te Aronga Pasifika Pakipakitai (Pasifika Disability National Coordination Service) i te rave kia tupu te orama ta te Parani Basileia 2009-2013 o te Aronga Pasifika Pakipakitai (National Pasifika Disability Plan 2009-2013) i akakoro, no te akapapu e

**“Ka rauka i te iti tangata Pasifika pakipakitai i te noo ki roto i to ratou uaorai ngutuare ma te piri katoa atu ki roto i te au akakoro'anga o to ratou oire mei ta te katoatoa o te iti tangata o Nu Tireni e rave nei”.**

E orama marama meitaki ta matou i konei i te Le Va: koia oki, ei au arataki Pasifika matutu ketaketa, e ei au kopu-tangata Pasifika ora'anga meitaki. Ko ta matou tuanga maata, ko te akamaata atu i te aronga angaanga Pasifika o te angaanga rapakau maki ma te akamatutu atu i te au angaanga oronga tauturu ki te iti tangata Pasifika e to ratou kopu tangata.

Ka riro te angaanga a teia Putuputu'anga i te tauturu kapiti'ia atu e te angaanga a Te Pou, e ta te putuputu'anga basileia no te tereni'anga atuitui, e pera katoa ta te au pute moni oronga tauturu (atoro'ia atu te roro uira atuitui [www.disabilityworkforce.co.nz](http://www.disabilityworkforce.co.nz))

## Koai te ka tau i te piri mai?

Te anoano nei matou i te akamaroiroi:

- i te au iti tangata Pasifika pakipakitai, to ratou au aronga akono tiaki ia ratou, to ratou kopu-tangata e te aiga, kia tuku mai a ta ratou fomu akaki no te piri mai ki roto i teia putuputu'anga
- i te au mata kauono no roto mai i te oire Akarana, Hamilton, Wellington, e Christchurch

## Eaa te akanoonoo'anga no te raverave'anga?

Ka anoano'ia te aronga ka tuku mai i ta ratou fomu, kia akaki i te reira ma te tuku mai i mua ake i te ra 7 o Tiunu, 2010. Na tetai pupu tei akataka'ia e kia akarakara i teia au fomu te ka tae mai, e akara e, me kua tau te turanga o te aronga tei tuku pati'anga mai, ki tei oti i te akanoo'ia, e na teia pupu e akatinamou i te au mema o teia putuputu'anga.

Ka akakite ia atu te tika tei akanoo'ia ki te aronga tei tuku mai i ta ratou pati'anga kia piri mai ki roto i teia putuputu'anga, a te ra 21 o Tiunu, 2010.

## Eaa te ka anoanoia me ko koe tetai i roto i teia putuputu'anga?

E uipaanga ana teia putuputu'anga e rua taime i te mataiti okotai. Ka anoanoia te au mema katoatoa kia tae mai ki teia nga uipaanga.

Ka oronga tuatau akamatutu turanga katoa atu te Le Va ki te au mema, kia riro mai ratou ei aronga kite teitei e ei au Aronga Pakipakitai tiamipeni. Penei, ka anoano katoa ia te au mema kia komakoma atu ki te au aronga tuku tika, ki te au arataki o te au oire, e tetai au aronga ke atu tei tau kia komakoma'ia atu kia ratou.

Ka akatinamou matou i te akapapu e, e au apinga tauturu tetai no te aronga pakipakitai te ka piri mai ki roto i te au uipaanga, ei tauturu ia ratou no te piri mai ki te au uipaanga.

## Tutaki'anga

Te irinaki'ia nei e, ko te au mema no roto mai i te au Putuputu'anga Kavamani (Government Organisations), me kore ra, i te au Tuanga o te Korona (Crown Entities), na to ratou au putuputu'anga e turuturu ia ratou kia tae mai ki te au uipaanga.

Ko te toe o te au mema, e \$300:00 Moni Noo Ki Roto i te Uipaanga te ka tutaki'ia kia ratou no te ra katoa o te uipaanga, me kore ra, e \$150:00 no te apa ra, tei oti te reiti (rates) i te Kavamani i te akanoo.

Na te Le Va e tutaki i te au ravenga no te aere'anga e te au ngai noo'anga tau me raveia te au uipaanga.

## Te tuatau o te uipaanga mua

Ka raveia te uipaanga mua a te ra 1 o Tiurai 2010. Kare te ngai e te oire o te uipaanga i akatinamou'ia ake.

## E no reira, me te manakonako anoano ra koe

Me ka tika, akaki'ia te fomu pepa no taau pati'anga ma te tuku mai i mua ake i t era 7 o Tiunu kia:

Robert Muller

Le Va

PO Box 108-244, Symonds Street

Auckland

No tetai au uiaanga ke atu, ka rauka ia koe i te kapiki mai ia Robert na runga i tana i-mere [robert.muller@leva.co.nz](mailto:robert.muller@leva.co.nz), me kore ra, na runga i te numero founu 09 301 3729.

# Te Fomu Akaki a Te Putuputu'anga

Basileia o te Au Arataki o te Iti Tangata Pasifika Pakipakitai

## Te au Tuatua Noou

Tāpao	Toou ingoa	Toou Ingoa Metua
Toou Atereti		Toou Mataiti
		Me e tane/vaine koe
Founu		
Fax		
Founu Apaipai		
I-mere		

E tangata Nu Tireni ainei koe, me kore ra, e noo tinamou ana ainei koe ki konei?  
(Akapunupunu'ia taau pau'anga) AE / Kare

Eaa toou iti tangata/au iti tangata taau e kapiki ana koe e, noou?

E akakite mai koe i taau i kite ana, me kore ra, i taau i kite meitaki tikai no te au turanga ngata e tupu ana ki te aronga pakipakitai



## Ripoti no te Referi

Me ka tika e me ka anoano'ia ake, e akakitekite mai koe i te au tuatua no tetai referi (tangata) okotai te ka rauka ia matou i te kapiki iaia no te uriuri manako no taau fomu akaki taau ka tuku mai.

### Te Au Tuatua no te reira Referi

Tona Ingoa	
Tona Atereti	
Tona Oire	Oire Maata
Tana Founu	Founu Apaipai
Tana Fax	
Tana I-mere	
Tona Putuputu'anga	
Tona Tao'anga	

## Akatinamou'anga

Te akatinamou atu nei au e, kua kite te referi i runga ake nei e, kua oronga'ia atu te au tuatua katoatoa nona ki te Le Va, e te oronga katoa atu nei au i te tika'anga no teia referi i runga ake nei kia aravei'ia atu no tetai au tuatua akaou mai no toku turanga i tau ei au ei mema no Te Putuputu'anga Basileia o te Au Arataki o te Iti Tangata Pasifika Pakipakitai (National Pasifika Disability Leadership Group). Te akatinamou atu nei au ma te akapapu katoa atu e, kare teia Anoano no te Piri Atu ki Roto (Expression of Interest) e riro ei tapeka akatinamou i te putuputu'anga, koia oki, te Mental Health Programs Limited, kia ariki mai ratou iaku ei tangata piri atu ki roto, me kore ra, kia tutaki mai ratou iaku.

Saina'ia \_\_\_\_\_

Te Tuatau \_\_\_\_\_

Me ka tika, Kapiti katoa ia mai tetai Kopi o tou CV.